


Kayagitiagiakaktotit tahamna Kallakjuaknik-19 Hiamaghimatitlugo

Huliriniqtit piqpiartut piyqaqpialiqmata.

INUINNAQTUN / INUINNAQTUN

Ihoaktonik Ihomaghotiagiakaktotit



Angilgaomayagiakaktotit kaniklilaktaililogit Inuit kovighimagovit uvalunin okaotaonigovit innuilakmiitagiakaktotit.



Ihomagitiaklugo innuhiit kayangnakmiitagiagha, ihomagiloagiakaktatit kayangnakmiligovit anniakutaoloaktonik hiamatjakpaliatitlugo.



Pitailikataklotit angmaomatiangitonik (kingaitonik), tatvalo innugiaknikmiitailikataklotit hilatani iglumiokatiivit.




Ihomagitiaklugo kayangnakmiitagiaghaita hapkua iglumiokatitit.



Malikalugit munaghiit maligoakutait kayangaipkutighatit.



Ihomagitiaklugo kayangnakmiitagiagha ilviit innuhiit tatvalo kanogilingalikit innuilakmiitagiaghaknik.



Ihomagitiaklugo hamna hiamakpalianinga Kallakjuaknik-19 nunagiyakni, illalitolugit hapkua allatkiit hivugangakpiaktot ihomalungnaktot anniakutaoyot.



Ihomagitiaklugo immikpalaktailikataklotit uvalunin angayaknaktonik atoktailikataklotit ihomaiknighagavit tatva malikatiaktailiotiginiagangi munaghiit maligoakutaitnik.

Kallakjuaknikaktitlugo ihomatuyagiakaktutit

Huli kapuutit atuqtatitlugo humiliqak Kanatami, huli niruaqlugit hivuranaitniqpat huliniit ihuaqhaqlugitlu hapummuni iliknut ahiinutlu. Kapuyauniq ikayurtuq hapummiyaqnik, kihimik tayyallak, kapuutit himauhingitai piyqaqnit tamaita ahii inugnut aniaqtailiniq piyaunit, ilautitlugit iliknik pittailiniq pitquhiit.

✓ Kayangnaitkiyaoyok immatokatagovit

! Kayangnakiyaoyok tatva immaitokpat



Kanniklimakataklotit hapkuninga iglumiokatigiyaknik kihiani.




Amigaikpalighimalikata hapkua kanniklihimayatit kittut Inuit hilatanioganiit iglumiokatigiyatit.



Hilami anniktlotit pikatagingnagialgit kittot Inuit iglumiokatigingitait.



Annikatangitkovit iglumin angmaomatiangitpat (kingakangitpat) innugiaktomikatagovit hilataniit iglumiokatigiyaknit.



Ilviit tatvalo/uvalunin kanigiyatit malikatiagiaktohi illikuakutinik pitailitjutighanik maligaoyonik: innugiaghivalaktailinagoaklohi, nainaakataklohi, tatvalo kanniklivalaktailinahoakataklohi, mattuakmik atokataklohi, tatvalo halumakataklogit uvalunin uuakatakpaklogit algaktiit iikmiotimut immakmutlu.



Ilviit tatvalo/uvalunin kanniklihimayatit PIKATANGITKUFFI malikangitkuffi maligoakutinik: Pikatigikataktailingitkuffi, PIKATANGITUFFI kanniklimatailinahoakutighanik, PIKATANGITKUVIT atokatangitkovit mattuakmik, tatvalo PITAILIKATAGOVIT halumaghikataghimaitkovit uvalunin uuakatangitunni algaktiit.



Hamna aullahimaatok munnakhiit maligoakutait hiamakpalaktailinahoaklugo hamna Kallakjuaknik-19. Hamna piominaktok hadja hiamakpaliatitlogit hapkua hakkugiktot anniakutaoloaktot ihomalunnaktot.



Hamna nayogaoyok pikangitnikat uvalunin pikatiangitpat inuknun anniaktailitjutighaitnik maligoakutinik pitailitjutighanik hiamaktailitjutighanik haffuminga Kallakjuaknik-19-mik, tatvalo hapkuninga kayangnakpiaktonik hivugaangakpiaktonik anniakutaoloaktonik ihomalutaoyonik.



Hamna nayogaoyok kingakagiakaktok hamna annighaktotaoyok halumayagiakakmat uvalunin ikkighimakataklogik ukkuangit uvalunin igallangi.



Hamna nayogaoyok annighaktokvikakpalangitok kingakangitmat uvalunin ikkiktilaitmata ukuangit tatvalo/uvalunin ukkuangit.

Poigoktailigit tatva: hunaogaloakluni alangugungnaktok, kayangaitkaloaktitlugo kilamik kayangnaghilanoak. Ihomagilogit Hapkua kayangnaktot tatvainaangitok anniniaghaktitlotit. Kihianitaok **tatvaovuktaok** annihimatitlotit.

Ilingnik kayagitiaklotit tatvalo allaat kayagilugit haffumanga Kallakjuaknik-19 taimatot:

✓ Kayanaitomik pikataokatagiangn i innugiaktitlugo.

✓ Kayagikataklogit ilingnik timingnik, inuknik tatvalo ihumangnik unagoighikataklotit.

✓ Hiamaktailinahoaklugo hamna Kallakjuaknik-19 nunagiyakni.



Ilviit ikkayogungnaktotit hiamaktailinahoaklugo.

Ajikuhioklugo una Kallakjuaknikmik Ammigitjutaoyok kagitaoyakut COVID Alert app.

Ajikuhiokungnaktok kagitaoyakut una akkikangitok COVID Alert app ihivgioklugo tatvani App Store uvalunin Google Play tatvani kagitaoyagalakmi hivayaotingni.

Kangighivaligomanigovit haffuminga Kallakjuaknik-19:

canada.ca/le-coronavirus

1-833-784-4397